



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De distributionibus dandis, & in poenam subtrahendis, & subtractis, quibus applicandis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

De distributionibus dandis, vel subtrahendis: & subtractis: quibus applican.

S V M M A R I V M.

- 1 Tertia fructuum, dignitatibus, &c. Obuenientium pars, in distributionibus diuidenda.
- Distributiones quotidiana si nulla, aut tenues, ex dicta tertia parte augenda. De Ministris Eccl. nu. 13.
- 2 Vbi id nondum actum est, ab Episcopo præstandum.
- 3 A qua tertia parte conferenda, qui liberi non sint.
- 4 Tertiæ eiusdem partis fructuum in distributiones conuertenda estimatio, qua taxa facienda.
- 5 Qui illius participes sunt.
- 6 Qui non.
- 7 Distributiones quotidiana vbi nulla, aut tenues, aliquibus horis Canonice, & Officijs extraordinarijs attributa sunt, quid faciat Episcopus.
- 8 Distributionum tenuitate dignoscenda quæ ratio habenda.
- 9 Distributionum percipiendarum ad ius admitti petentes Canonici iuramentum præstent.
- 10 Iuramenti formula.
- 11 Examinentur etiam in cantus scientia: quæ quanta esse debeat in unoquoque præsertim in Choristis. 18.
- 12 Examen, vbi, & coram quibus, & qua ratione fiat: quidque in eo attendendum. 17.
- 13 Examine peractò, qualiter approbatio fiat.
- 14 Mansionariorum, & aliorum ministrorum probatio, à quibus, & quo modo fiat.
- 15 Dignitatem etiam primariam obtinentis periculum, à quo, & quibus adhibitis & qualiter faciendum.
- 16 Probatio aliter facta, nulla.
- 19 Idoneo aliquo non inuento, timore, causaue alia, octo dierum spatium dandum ad iterandum examen.
- 20 Iniuste repulsus, aut protractus, Episcopum adeat, à quo quid agendum.
- 21 Distributiones quotidiana à quo, & quomodo diuidenda.
- 22 Eæ non soluenda ante statum solutionis communis tempus.

- 23 Solutionis flata die adueniente non soluenda, Syngrapha, & solutio nis mandato, non acceptis.
- 24 Plus, vel tempestiue soluens quid amittat.
- 25 Capituli } Praefectus. } eidem solutioni, vel distributioni danda
Chorici } Pincitores. } absenti, vel erranti consentientes, ut puniantur.
Canonici alij duo
- 26 Plus etiam, tempestiue re solutionem accipiens, restituat, & triplo mulctetur.
- 27 Restituat etiam donata, remissaue contra praescriptum Conciliorum.
- 28 Capitulum donationi, remissioniue ipsi consentiens, ut puniendum.
- Solutioni distributionum Capitularium ratio supra praescripta poenaq; ibi proposita, locum habeant in censu distributionum, qui mansionarios, &c. De distributionibus a nu. 22. ad 29.
- Distributiones quotidianae non danda absentibus, etiam ex licentia. De Ministris Eccl. nu. 10.
- Pactio, remissio, collusionis Canoniconum, aliorumue contra facta nulla. supra 28. Ibid. nu. 11.
- Distributiones ab absentibus acceptae, restituenda. Ibid. & 27.
- Quibus danda distributiones quotidianae. Ibid.
- 29 Qui absentes legitime impediti distributionibus gaudeant. Et qui non. Et de Ministris Eccl. nu. 12.
- Quae distributiones danda, ijs, qui praesentes adsunt processionibus. De Procession. nu. 27.
- 30 Absens a Choro, ob celebrationem Missae, quando distributiones perdit.
- 31 Ordinem non suscipiens, quem debet, easdem amittit.
- 32 Penitentiarium, quando eas percipit, & quando priuatur.
- 33 Peregrinationis causa absentes, eas non percipiunt, & quando praebendae fructibus etiam mulctantur.
- 34 Studiorum causa absentes, eis non gaudent, nec tertia praebendae parte in eis conuersa.
- Parochus Canonatum, beneficiumue aliud obtinens, personalis residentiae, festis diebus in Parochiali residens, eas non percipit. De Parochijs. nu. 19.
- Distributiones quotidianae, Canonicis, & Ministris, loco poena, in sequentibus casibus subtrahenda. De Resid. nu. 5.
- Canonici Cathedrales, non admonentes Metropolitanum absentiae Episcopi, qui distributionem unius mensis amittant. Ibid.

- Admoniti, à Chori Præsidi, ut suo muneri satisfaciant, si non respicerint, puniendi. De Ministris Eccl. nu. 14.
- Dignitates, & Canonicatus obtinentes, si cum alijs non cecinerint, qua distributionum parte mulctentur. Ibid. nu. 17.
- Canonicus hebdomadarius, suo muneri deficiens, trium dierum distributionibus careat. Ibid. nu. 18.
- Precipue si Missas Conuentuales non celebrarit. De Missis Conuent. nume. 3.
- Idem, si in tempore etiam non conuenerit, vel alium non substituerit, aliqua distributionum parte mulctetur. Ibidem.
- Canonici, Presbyt. Diacon. & Subdiaconi suo officio per se non satisfacientes, ut distributionibus careant. De Ministr. Eccl. nume. 21.
- Canonici, citrà necessitatem Capitula habentes, diuinorum officiorum tempore, quibus distributionibus mulctentur. Ibid. nu. 27.
- Qui non fecerit, quod ei in Tabella, à Chori Magistro confectum præscriptum fuerit, distributiones amittat horæ, in quam peccarit. Ibidem, nu. 31.
- Punctator notandum prætermittens, integras vnius hebdomade distributiones amittat, ex primo & quarto verò, qualiter puniatur. De Punctatoribus, nu. 11. & 22.
- Is omnibus horis non assistens, vel alium non substituens, pro singulis vicibus vnius diei distributione careat. Ibid. nu. 13.
- Qui in Ecclesia, vel circum eam, aut in Sacristia existens, ordine Chorum ingredi neglexerit, qualiter puniatur. De diuin. offic. nu. 75. ver. Qui verò.
- Audens inchoare officium, prius quàm ordine in Chorum Canonicis conuenerint distributionem horæ illius amittat. Ibidem. ver. Ausus.
- Ad Matutinum, & alias horas tardè veniens, quando distributionibus priuetur. Ibid.
- Ad Missam item non veniens ante finem vltimi Kyrieleyson, ut pleatur. Ibidem.
- Differens aduentum suum in extremum præfiniti temporis punctum, quando pro absente habendus. Ibid.
- Pileo in Choro item utentes, quando pro absentibus habendi. Ibidem 76.
- Dignitates, & Canonici, in Chori leges peccantes, & non respicientes distributione illius horæ quando careant. Ibid.
- Ordinem in recedendo à Choro præscriptum non seruantes, distributiones illius horæ non capiunt. Ibid. nu. 77.

Diaconi, & Subdiaconi Altari non ministrantes, ut tenentur, eius horę distributione careant. De Missis Conuent. nu. 9.

In supplicationibus generalibus, qui non uenerit, ante inuocationem sanctissimę Trinitatis, pro absente habendus. De Processione. nume. 2.

Extra Canonicas aedes pernoctans, unius diei distributione ferendus. De Canonical. adib. nu. 7.

Absens a Missa, quę nocte Natalis Domini in aurora celebratur, qua distributione mulctetur. De Missis Conuent. nu. 17.

Capitulum Missas canere omittens, quibus diebus sunt plures cantandę distribution. priuetur. ibid. nu. 15. & 16.

Non utenti uestibus, & insignibus suis, quę distributio adimatur. De diu. offic. nu. 28.

Absens ab officio B. Virginis, mulctandus ut absens ab officio de Domino. ibid. nu. 25.

Thesaurarius, quod non debet, aut plus, uel ante tempus soluens distributiones, ut plectatur. supra nu. 24.

Distributiones easdem tempestiuę recipiens, qua pœna afficiendus. supra nu. 26.

Capitulum, remissioni, collusioniue consentiens, distributionibus plectatur Episcopi arbitrio. supra nu. 28.

Ecclesiasticus cuius non confici curans instrumentum super solutione sibi facta, dimidia parte fructuum unius anni mulctandus. Quę pert. ad bonor. nu. 15.

Recusans acceptare officium a Capitulo commissum, quid amittat. De ijs quę ad Capitula pert. nu. 18.

Mansionarij suo muneri deficientes, qua distributione priuentur. De Ministris Eccl. nu. 47.

Iidem contumaces, negligentesue, ut castigentur. ibid. nu. 51.

Distributiones Canonicis, & alijs Ministris detractę, quando alijs inseruientibus attribuendę. Supra nume. 6. 28. & de Ministr. Eccl. nume. 19. De Missis Conuent. 9. & de Process. nu. 27.

Quando, Ecclesię, Sacristię, fabricę, Hospitalibus, alijsue locis pijs applicandę. supra nume. 1. 6. 21. 24. 26. 28. De Ministris Eccl. nume. 11. & 18. De Missis Conuent. nume. 3. De Punctatoribus 22. 23.

4. de distrib.
Sess. 21. c. 3.
Sess. 22. c. 3.



Vibus in Ecclesijs tertia pars fructuum, reddituum uè dignitatibus, personatibus, officijsque obuenientium, nondum ex Tridentino decreto in distributiones diuisa est; id Episcopus, ubi expedire censuerit, præstet. Diuisione uero facta, quicumque ex Episcopi præscripto, functiones, ministeriumque debitum quolibet statuto die

non expleuerit, distributionem illius diei amittat, quæ Tridentini Concilij iussu, fabricæ Ecclesiæ, aut piorum locorum vsui, Episcopi arbitrato, attribuatur.

4. de distrib.
Sess. 21. c. 3.

2 De distributionibus item quotidianis ex tertia illa parte fructuum, decreto Tridentino præscripta, uel constituendis, uel augendis, ubi nondum illud actum est, quam primum Episcopus præstet.

5. Quæ ad distrib. pert.

3 Episcopus, quæ decreta de tertia fructuum parte in Concilio, & primo, & quarto, olim confecimus, ita præstet; ut, nec qui sacris ordinibus initiati non sunt, nec qui distributiones non capiunt, ab illa præscripta tertia parte conferenda liberis, immunestè sint.

4 Tertiæ porro partis, quæ in distributiones conuertenda est, fructuum æstimatio sit, non veteri taxa, etiam in Codices Capitulares relata, sed tanti sit, quanti census, redditus uè præbendarum reuera ualet, deductis primò pensionibus, alijsque oneribus legitime impostis, pro ratione temporis, quo durauerint.

5 Cuius tertiæ partis percipiendæ ius habeant omnes Canonici tum qui præbendam obtinent; tum qui sine illa sunt, dum ij statis diebus suum in Ecclesia munus præsentem obierint.

4. de distrib.

6 Parochus uero, qui Canonicatum, dignitatem uè, ac simul Ecclesiam Parochialem legitime obtinens, residentie Parochialis munus obit, ut litteris Pij V. Pont. Max. sancitum est, illius, uel dignitatis, uel Canonice præbendæ fructus, redditus uè capiat: at tertiæ eius partis nè particeps sit, quæ, eiusdem Tridentinæ sanctionis auctoritate, in distributiones conuersa, sibi absenti obuenire non potest, nec debet: sed alijs præsentibus, chorique officia obeuntibus accreseat; aut Episcopi arbitrato, fabricæ Ecclesiæ ipsius locis attribuatur, ad eiusdem Concilij Tridentini præscriptum.

Sess. 22. c. 3.

4. Ibidem.

7 Quibus etiam in Ecclesijs, uel Cathedralibus, uel Collegiatis, quamuis reliquis diuinis officijs congruus quotidianarum distributionum census assignatus sit, aliquibus tamen Canonicis horis, aut ceteris officijs, etiam extraordinarijs, quauis auctoritate institutis, nullæ quotidianæ distributiones adscriptæ, attributæ uè sint, aut si attributæ sint, exiguæ illæ quidem, atque usque adeo tenues, ut uerisimiliter negligantur, in ijs Episcopus uel de communi residentie, distribu-

Sess. 24. c. 15.
de ref.

tributionumque quotidianarum censu, si amplius sit, certam portionem, arbitrio suo congruam, Capituli, ac reliquorum, qui eiusdem census participes sunt, consensu detrahat, eamque ipsam statam unicuique ex illis Canonicis horis, officijsuè attribuat, adscribatuè perpetuò; vel omninò ipse auctoritate, & facultate sibi eodem Tridentino Concilio data, quemadmodum etiam à sancta Sede Apostolica declaratum est. Decretum itidem illud Tridentinum exequatur; ut scilicet è fructibus, redditibusuè cuiusvis generis, qui, dignitatibus, Canonicatibus, personatibus, alijsuè obveniunt, congruam partem, quæ tamen tertiam non excedat, arbitrio suo statuatur; quam in quotidianas distributiones conuersam, singulis his diuinis officijs, horisue Canonicis, quibus nulla, vel tenuis tributa est, certam distribuendam perpetuò assignet; ut stata ea, congruaque portione constituta, vel adiuncta, illæ deinceps verisimiliter non negligantur.

8 In distributionum autem tenuitate dignoscenda, ratio semper habeatur, tum Canonicorum, tum aliorum omnium, quibus illas percipiendi, si residentes manus suam obeant, ius competit: siuè illi modo presentes residentie munus verè præstent; siue absentes, ob legitimam etiam causam, impedimentumuè, residere, ea cessante, deberent, aut possent.

9 Ut diuinis Officijs obeundis, quò ad eius fieri potest, apti, & idonei Ministri adscribantur; cum aliqui deinceps in Cathedralibus, aut Collegiatis Ecclesijs se in Canonicorum residentium Collegium coaptari, & ad ius distributiones percipiendi admitti petunt, hæc seruentur.

4. Ibid. cum seq.

Primò, ut ab ea re omnis ambitio absit, qui cooptandus erit, hoc iureiurando obstringatur.

10 Ego N. Per hæc sancta Dei Euangelia iuro, me neque precibus, neque precio, neque alia ratione egisse, aut aliàs curasse, quò minus hoc experimentum integrè, fideliterque fieret: sic me Deus adiuuet, & hæc sancta Dei Euangelia.

11 Deinde periculum, experimentumuè fiat; an qui se cooptari petit ad omnia ea rectè in cantus modulatione præstanda idoneus sit, quæ aliquo modo, aut tempore ad eius munus, partesuè pertinere possunt: hocque pro ratione, & diuersitate presbyteralis, diaconalis, & inferioris etiam functionis.

12 Id verò fiet in cõuentu Capitulati, duobus ex Capitulo adhibitis, qui primò iurati, se nihil fraudis in ea re sibi commissa, facturos esse, hoc præstent: ut ei, de cuius cooptatione agitur, certos locos, scriptauè, quæ cantu enuncient, primùm assignent; tum propius assistendo vi-

deant, nūm is modulatione, alioū modo erret.

13 De eodem autem approbando postea agetur, resque occultis suffragijs permittetur: quibus statim deliberetur, ac decernatur.

14 Cū de Mansionarij, aut alterius Ecclesiæ ministri, qui Canonico inferior est, cooptatione agetur; is etiam, præscripta Canonicis cooptandis ratione, à Capitulo Canonicorum probetur. Cui probationi quattuor, pluresuè, eiusdem Ordinis ministri, à præfecto Capitulo peritiores delecti, interesse possint; quorum de eo cooptando sententiam. Capituli præfectus rogabit: tum illis remotis, de approbatione, aut reiectione Capitulum decernet, suffragijs occultè latis.

15 De eo autem, qui in Ecclesia Cathedrali post Episcopum, aut etiam in Collegiatis primam dignitatem obtinet, experimentum, periculumuè fiat ab Episcopo solum, eiusuè Vicario, adhibito in consilium præfecto Chori, & Canonico vno ex Capitulo illius Ecclesiæ, in qua is, de quo agitur, dignitatem habet, & alijs præterea peritis viris, quos aliundè adhiberi Episcopus maluerit. Quibus verò in Ecclesijs antiqui, probatique instituti est, de eo etiam à Capitulo examen, experimentum uè fieri; id huius decreti auctoritate non abrogetur; sed Capitulo præscripta supra in Canonicis probandis ratio, in ipso etiam probando seruetur.

16 Si cooptatio, probatiouè vlla fiet, illis, supra præscriptis rationibus non seruatis, irrita sit, ac planè nulla.

17 In ipso probationis examine, in primis Ecclesiæ magis, minusuè in signis ratio aliqua habeatur.

Non solum de ea facultate periculum fiat, quæ ab arte, & ab exercitatione proficiscatur: sed de ea quoque quæ est à natura: videndumq; nū cuiquam natura alicui impedimento sit, quo minus obire munera sua si non perfectè, at saltem aliquo modo possit.

Porro moderatio adhibeatur, vt in ijs quidem modulationum generibus, qui cooptari vult, se ex tempore peritum præbeat, atque exercitatum, quæ in eius officio frequentiora sunt: quæ verò rarius incidunt, præstare quidem aptus sit, sed congruo spacio temporis dato ad eius generis rationem præuidendam.

18 Præterea, quibus vniuersæ Chori psalmodiæ onus sustinendum est, in ijs mediocrem peritiam, artis quæ cognitionem sufficere, existimari non conuenit: cum ijs verò, quibus id non incumbit, mitius agi debet: in Chori Magistro perfecta ars, & peritia omninò requiretur: eadem quæ distinctio, & ratio habenda est de voce, & eiusmodi naturæ adiumentis.

19 Si timore, aut aliqua alia perturbatione factum esse præfectus suspicatus erit, vt quis minus idoneus visus sit, is nè reijciatur, sed

octo dierum spacio, certa alia dies constitutur, qua rursus periculum fiat: ne iterum id timoris, aut aliud nomen eiusmodi prætendi possit.

20 In ijs verò, qui iniuria se repulsam tulisse putabunt, aut amplius octo diebus protracti erunt, seruetur decretum nostrum, in Concilio Provinciali secundo promulgatum.

21 Thesaurarius Capituli, siuè alius quocumque is nomine dicatur, qui quotidianas distributiones partitur, curet ipsas unicuique distribuendas pro rata parte laboris, & officij, ex iuris & harum constitutionum præscripto, & ex ordine librorum punctatoris.

1. De officio Theaurarij.

Is distributiones eorum, qui absentia, vel errati causa notati fuerint, nè persoluat; si id fecerit, tantundem de suo det, quod in Ecclesiæ usum conferatur, & ob eam causam etiam vnus mensis distributiones amittat.

22 Ne Capitulum, aut Thesaurarius, Canepariusuè Capituli, aliusuè quicumque, qui distributiones partitur, cuiquam de Capitulo, alijue Chori Ministro, etiam qui præfens diuina officia obierit, nè eo quidem nomine, quod distributiones iam suas residentia munere cum fecisse constet, ante stata solutionis tempora persoluat, vel eo nomine cessionem alicuius exactionis ante faciat.

4. de distrib.

23 Cùm verò solutionis stata dies venerit, nè cuiquam item soluat cedatur, nisi Tabellâ illam, Syngraphamue acceperit, cui à præfecto Capituli, & à præfecto item Chori, & à Punctatore etiam Episcopali, & ab altero item Capitulari, & ab alijs præterea duobus subscriptum sit, si quos suppntationi Capitulum constituerit; ac præterea, nisi mandatum solutionis, cessionisue à præfecto Capituli acceperit, ab aliouè, ad quem de more spectat.

24 Si verò plus soluerit, vel cesserit, quàm suppntationis ratio tulerit, aut ante soluerit, cesseritue, quàm certæ illius suppntationis Syngrapham subscriptione vt supra, obsignatam acceperit; vnus mensis distributionibus, & alijs, arbitrato Episcopi multis, Sacristia, aut sodalitati Corporis Domini in ea Ecclesia constituta, alijue pio loco, attribuendis, plectatur.

25 Quibus pœnis, multisue præfectus etiam Capituli, & Chori item, & Punctatores, atque ad suppntationem ita delecti illi duo Capitulares, qui eiusmodi solutioni, cessionisue villo modo assenserint, afficiantur.

Quam multam, pœnamque ijdem subeant, si alio quouis modo in eo assenserint, vt cuiquam soluat, cedaturue distributio aliqua illorum dierum, aut horarum Canoniarum, officiorumue, quibus, vel præfens ille in Choro non adfuerit, vel erratum huiusmodi in-

diuinis officijs contraxerit, vt Prouincialibus Decretis, aut præscripto Tabellæ, aut alio quocumque iure censerit in absentibus debeat.

26 Qui verò, vel ante solutionis, cessionis, & Syngraphæ tempus, vel plus quàm sibi debeatur, vilo quouis modo, pactouè acceperit; is ab Episcopo & restituere cogatur, & triplo mulctetur, quod locis pijs, eiusdem Episcopi arbitratu, attribuatur.

27 Si verò vlla cuiusvis generis causa, causæuè specie, aut pretextu cuiquàm distributiones aut ab vniuerso Capitulo, aut ab eorum singulis contra Prouincialia nostra decreta, & præscripta dari, donari, remitti, aut quauis collusione concedi contigerit; nè illas quicquàm capiat; si perceperit, retinuerit, nè suas faciat; sed restituere cogatur.

28 Capitulo autem, quod tacitè, vel expressè ei rei consenserit, pœna sit, vt distributiones aliquot, Episcopi arbitrio, aut Sacristiæ, aut confratriæ Sanctissimi Corporis Domini in ea Ecclesia constitutæ, aut alijs pijs locis attribuendas, soluat.

5. Quæ ad distrib. pert. 29 Neque distributiones item illi, quicumque sint, percipiant, qui infirmitate, necessitate, aut manifesta Ecclesiæ utilitate occupati, impedimentè nō adsunt in Choro, si antea nullo legitimo impedimento distituti, personale Canonicatus sui munus obire non consueuerant; hoc enim addendum censuimus decreto, quo in Concilio prouinciali primo hoc ipso de genere cautum est.

4. de distrib. 30 Quicumque dum alicuius statæ horæ officium in Choro peragitur, Missam celebrando, tunc à Choro absuerit; illius horæ distributionis tamquàm absens, particeps nè sit, vt è sancta sede Apostolica declaratum est. Id verò nisi præ absentia Sacerdotum, qui in Ecclesia tunc Missæ Sacrificium faciunt, necessitas aliquando inciderit, vt perfectus Canonicum aliquem Sacerdotem è Choro exire à statæque horæ officio abesse, Missæ celebrandæ causa, iubeat; aut nisi à Sede Apostolica aliter concessum fuerit.

Ibidem. 31 Aliqua dignitate præditus, & Canonicus, aliusuè quicumque, qui etiam ob causam, vt puta, ob litem eiusdem beneficii sui Ecclesiastici, sibi illatam, contestatam, ordinem Sacrum, illi Ecclesiasticæ suæ dignitati, Canonicatus, beneficiouè annexum suscipere distulerit; nè distributionum quotidianarum, antequàm illum suscipiat, particeps sit, cum debiti sui muneris, cuius causa illæ debentur, partes obire, præstareuè non possit.

5. Quæ ad distrib. pert. Trid. Conc. Sess. 24. c. 8. 32 Pœnitentiarius, tamquàm in Choro præsens, distributionum particeps sit, quo tempore in audiendis confessionibus versatur, non eorum solum; qui in casibus Episcopo reseruatis, peccarent, sed aliorum etiam quorumcumque.

Ne verò illas, quasi p̄sens, capiat, cum manè aliquando antestatam diuinorum officiorum horam, quò opportunius p̄nitentibus satisfaciatur, eorum confessiones audit; & quo deinceps tempore illa celebrantur, ipse interea Missæ Sacrificium facit, aut priuatim horarium Canonicale officium p̄stat; etiam si id in fraudem non faciat.

33 Qui peregrinationis causa absunt, ne iure quidem, facultateuè statutorum Ecclesiæ, cui personalis residentie operam, ministeriumque debent, distributionum participes sint. Imò etiam si trium mensium spacio diutius absunt, non propterea excusantur, quo minus fructuum p̄bende amissione mulctentur, alijsuè p̄enis eiusdem Concilij, de diuturniore absentia sancitis.

34 Qui studiorum causa quacumque facultate absunt, nè distributiones quotidianas eo ipso absentie tempore; nec verò illam p̄bende sue partem tertiam, in eius generis distributiones, Tridentini decreti auctoritate, iam conuersam capiant.

Idem de quotidianis distributionibus, eaque tertia parte cautum sit, etiam si à Sede Apostolica facultas absentie, ob studia data sit.

De ijs, quæ ad Capitula Cathedralium & Collegiatarum Ecclesiarum pertinent.

S V M M A R I V M.

Capitula, diuinorum officiorum tempore, à Canonicis non habenda.

De ministris Eccl. nu. . . .

- 1 Capitulum in singulas hebdomadas habendum. & quid in eo tractandum.
- 2 Eius initium ab oratione de Spiritu sancto faciendum.
- 3 Ei quando Episcopus intersit; & quod in eodem illius officium.
- 4 Capitulo exempto, quando illud conuocare Episcopo liceat.
- 5 Canonici conueniant: & quando discedant.
- 6 Quomodo in eo sedeant: & loquantur.
- 7 Iocosa, & scurrilia verba omittenda.
- 8 Rixæ, vt tollende.
- 9 Contumelia ibi aliquem afficiens Episcopo deferen. à quo, vt placendum.
- 10 Quæ inter canonicos sedendi, & incedendi ratio.
- 11 Capitulares deliberationes qua ratione fiant.
- 12 Capitulares ordinationes à Cancellario capitulari in librum notadg.

Liber is